



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU **HRVATSKE LISTE ZA LIVNO**

Broj: 03-07-6-259/20
Sarajevo, 04.03.2021. godine

S A D R Ź A J

1. UVOD	4
2. PREDSTAVLJANJE POLITIČKE STRANKE	4
Predmet pregleda i kontrole.....	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske liste za Livno za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Hrvatska lista za Livno prekršila odredbe člana 4. stav (1), člana 11. stav (1) i člana 12. Zakona o finansiranju političkih stranaka.

Na osnovu našeg pregleda, odnosno kontrole godišnjeg finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske liste za Livno za 2019. godinu.

Pregled i kontrola finansijskog izvještaja provedena je u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska lista za Livno se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.200,00	35,62
7.	Prihodi iz budžeta (3-f)	2.168,82	64,38
8.	Prihodi od propagande (3-g)	0,00	0,00
I	Ukupni prihodi (1-8)	3.368,82	100,00
II	Ostali prihodi i drugo	0,00	0,00
	Izvori finansiranja (I+II)	3.368,82	100,00

U godišnjem finansijskom izvještaju stranka je iskazala rashode u ukupnom iznosu od 1.533,81 KM.

2. PREDSTAVLJANJE POLITIČKE STRANKE

Naziv političke stranke je Hrvatska lista za Livno. Skraćeni naziv je HL za LIVNO.

Hrvatska lista za Livno je registrovana kod Općinskog suda u Livnu, Rješenjem broj: 068-0-F1-16-000-002 od 15.04.2016. godine.

Sjedište stranke je u Livnu, Sinjska 4.

Lice ovlašteno za zastupanje Hrvatske liste za Livno je Jakov Perković, predsjednik stranke.

Lice ovlašteno za podnošenje finansijskih izvještaja za 2019. godinu je Jakov Perković.

U godišnjem finansijskom izvještaju za 2019. godinu, Hrvatska lista za Livno je navela da nema niže organizacione nivoe.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske liste za Livno za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatske liste za Livno obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled finansijskih izvještaja Hrvatske liste za Livno u periodu od 2016. do 2018. godine, nakon čega su izdati izvještaj o pregledu sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2018. godinu, izdat je izvještaj o pregledu sa mišljenjem revizora, nalazima revizije i preporukama stranci da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima, da u finansijskom izvještaju uključuje sve koristi ostvarene od aktivnosti udruženja koje je povezano sa političkom strankom i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala preporuke revizije.

5. NALAZI I PREPORUKE

5.1 NALAZI

a) Hrvatska lista za Livno prekršila je odredbe člana 4. stav (1)¹ Zakona o finansiranju političkih stranaka.

Hrvatska lista za Livno u Programu utroška sredstva za 2019. godinu planirala je ukupne rashode u iznosu od 800,00 KM.

Uvidom u podatke koje je stranka iskazala u godišnjem finansijskom izvještaju za 2019. godinu utvrđeno je da je stranka u 2019. godini ostvarila režijsko-administrativne i ostale troškove, odnosno ukupne rashode u iznosu od 1.533,81 KM.

Hrvatska lista za Livno nije planirala troškove zakupa uredskih prostorija, a iste je ostvarila u iznosu od 1.200,00 KM, čime je prekršila odredbe člana 4. stav (1) Zakona o finansiranju političkih stranaka.

b) Hrvatska lista za Livno prekršila je odredbe člana 11. stav (1)² i člana 12. Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Hrvatska lista za Livno nije pravilno evidentirala prihode i rashode u poslovnim knjigama, čime je prekršila računovodstvene propise i odredbe člana 11. stav (1) i člana 12. stav (1)³ Zakona o finansiranju političkih stranaka.

(1) U godišnjem finansijskom izvještaju, Hrvatska lista za Livno je u obrascu 3 (izvori finansiranja), te obrascu 3-e (nenovčane donacije i računi koje politička stranka nije imala

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

² Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

³ Politička stranka dužna je voditi evidenciju o svojim prihodima i rashodima.

obavezu platiti) prijavila nenovčanu donaciju fizičkog lica u iznosu od 1.200,00 KM⁴ po osnovu besplatnog korišćenja uredskih prostorija, dok u poslovnim knjigama nije evidentirala prihod po osnovu pomenute nenovčane donacije.

Hrvatska lista za Livno je u finansijskom izvještaju na obrascu 3 (izvori finansiranja) iskazala ukupne prihode u iznosu od 3.368,82 KM, dok je u poslovnim knjigama i Završnom računu za 2019. godinu (Bilans uspjeha) stranka iskazala ukupne prihode u iznosu od 2.168,82 KM.

Takođe je utvrđeno da je stranka u poslovnim knjigama i Završnom računu za 2019. godinu (Bilans uspjeha) ukupne rashode iskazala u manjem iznosu za 1.200,00 KM u odnosu na godišnji finansijski izvještaj.

U poslovnim knjigama stranka je iskazala ukupne rashode u iznosu od 333,81 KM, dok je u godišnjem finansijskom izvještaju na obrascu 4 (rashodi političke stranke) iskazala ukupne rashode u iznosu od 1.533,81 KM.

- (2) Politička stranka je u skladu sa odredbom člana 12. stav (2) Zakona o finansiranju političkih stranaka⁵ imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja⁶.

5.2 PREPORUKE

Preporučuje se Hrvatskoj listi za Livno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi u skladu sa utvrđenim programom utroška sredstava,***
- ***da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i***
- ***da u finansijskom izvještaju uključuje sve koristi ostvarene od aktivnosti udruženja koje je povezano sa političkom strankom.***

KOMENTAR

U ostavljenom roku, Hrvatska lista za Livno nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić

⁴ Aneks ugovora o zakupu uredskih prostorija sa Ivicom Jazvo vlasnikom uredskih prostorija, broj: 01/2017 od 31.12.2017. godine.

⁵ Politička stranka obavezna je u svom finansijskom izvještaju uključiti sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.

⁶ Hrvatski narodni sabor Bosne i Hercegovine kao udruženje promovise političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.